

**Radzi Jidin wakil Malaysia di persidangan UNESCO, bincang transformasi pendidikan**

Bernama

Jun 28, 2022 11:15 MYT



Datuk Radzi Jidin ketika tiba di Paris bagi mewakili Malaysia di persidangan UNESCO pada 28 hingga 30 Jun 2022. - Foto Facebook/Dr Radzi Jidin

KUALA LUMPUR: Menteri Kanan Pendidikan Datuk Radzi Jidin kini berada di Paris, Perancis bagi mewakili Malaysia di persidangan Pertubuhan Pendidikan, Saintifik dan Kebudayaan Pertubuhan Bangsa-Bangsa Bersatu (UNESCO), yang berlangsung hari ini sehingga Khamis.

Menurut beliau sesi pra-sidang kemuncak kali ini membicarakan tentang transformasi pendidikan serta langkah yang dapat diambil bagi memastikan kemajuan dan kemampunan sistem pendidikan.

"Beberapa sesi perbincangan dan lawatan kerja akan turut diadakan sepanjang berada di sini, khususnya berkaitan dengan transformasi pendidikan," katanya dalam catatan di Facebook hari ini.

UNESCO berusaha untuk membina keamanan melalui kerjasama antarabangsa dalam pendidikan, sains dan budaya.

Program UNESCO menyumbang kepada pencapaian Matlamat Pembangunan Mampan yang ditakrifkan dalam Agenda 2030, yang diterima pakai oleh Perhimpunan Agung PBB pada 2015.

-- BERNAMA